

O ARCO D' A VELLA.

Poesia premiada con la pluma de oro y plata en el Certámen literario
celebrado en Vigo en Junio de 1881.

I.

Orballaba n' os altos curutos
d' os montes a brétema
engarrada n' as silvas deixaba
sua túneca negra;
e os anacos qu' o vento barria
en longa ringleira
temerosa romax de pantasma,
de trasnos ou meigas,
somellaban, que xa escorrentados
fuxian d' a terra.
A rayola d' o sol foi abrindo
n' as nubes vereda;
e chegando às pingotas d' a-y-auga
trocou nas en pelras,
que brillando c' a luz buligaban
brincando antr' as herbas.
D' o seu sono d' amor despertáno
as roxas nereidas
que n' o fondo d' os regos durmian
n' as cobas espréndidas

Pô-l-os dôces amores chamaron
que preto d' a orela
c' as pingotas d' a-y-auga tezia
pintadas cadeas;
e estricando suas alas de prata
c' o sol cintilea
rebuldando tenderon n' os aires
o arco d' a vella.

II.

Alí está car' ô sol relumbrando;
n' as nubes a testa,
e c' os pés n' o regato bebendo
barbullas às cheas.
Sobr' o negro d' o ceo reloce
sua cinta bermella,
as suas bandas azuls que namoran,
sua lista marela;
o seu verde color d' esmeralda
qu' invidia a pradeira;
o morado que tiñe â ascondida,
cheirosa violeta;
e aquel côr que festona e debuxa
con man feiticeira
n' os encaixes d' o leito d' Aurora
douradas cenefas.
Alí está coma ponte d' esmaltes
erguida e direita
cal si pôr en xuntanza quixese
o ceo c' a terra.
Alí está coma enseña perene
qu' ô mundo relembra
a de paz e d' amor validosa
devina promesa.

.
.

Mais xa o vento à bater con mais furia
suas aâs escomenza
e d' aló dende o cabo d' o mundo
traí nubes moy feras
qu' as brancuras d' o ceo recroben
de loito e tristeza.
Ven con élas un duro curisco
qu' as forzas enxerga;
e ô seu sopro tolleito os amores
e as roxas nereidas
recolleron as húmidas cintas
qu' enantes tezeran;
e pregando suas alas de prata
leváno con élas
pra seu niño de espumas e froles
o arco d' a vella.

Santiago.

J. BARCIA CABALLERO.

